

王子安集

王子安集十
六卷附錄一
卷

四部叢刊集部

刻初唐四子集序

今海內湛深經術淹賸名理之
學蓋莫長於閩而紹和徵君其
尊宿也往余里居嘗嘆吾鄉之
有仲醇清漳之有紹和歸然稱
二大老仲醇得生同里閨少而

習之紹和則已如天際真人蕪
葭宛在矣屬有天幸承乏此邦
遂得登其堂披其帷盡聆塵下
之霏屑兼蒺枕中之鴻寶伐柯
我覲永畢於斯雖復平子之杼
華揆藻茂先之比物連類但有

過之無不及也紹和雅志好脩
不僅立言垂立然其撰述之富
抑亦近代所無既已蒐刻漢魏
以來七十有二家將漸次及於
三唐兩宋令後世尚友作者如
入寶林豈非快事廼所梓僅及

初唐四君子尚未竣事而紹和
告殂矣嗟乎人琴俱亡替人所
痛令唐初以後諸君子精神不
經洗發豈不與紹和俱亡哉余
小子竊胥志焉而未之逮尚冀
後人不昧斯旨豈惟諸君子不

亡即紹和亦不亡矣唐初風氣
靡縻六朝綺靡剗削未盡四子
傑出力厚而致豐觀拾遺江河
萬古之推尊則知當時已群用
見哂而紹和又極力表章四子
之品行使不以器識兩字抹殺

豈惟與江河並流雖與日月爭
先可也若紹和者可謂能激顯
闡幽者也據壇坫而稱尊宿不
虛也

崇禎庚辰仲龔望後八日梁谿
後學曹荃題于漳署之霞北艸

堂

王子安集序

自裴氏以器識程人而抹殺文
藝謂四傑輕浮淺露必非騁邁
長享之骨而四子淹躋不振一
時割斷終莫能拔此不過愛憎
之言幸而中耳然則男子生世

必盡槐鼎期頤如孔光張禹及
近孔敬宗輩始克自標根器而
不愧鬚眉恐世間無此名教也
且四子本傳不過揚已護前無
所與讓先輩見而惡之耳若六
朝傷化敗倫之事萬々必無豈

可投畀之苑法中也子安天性
過人夙企曾閔所遭多忤然父
子兄弟之際自成雍熙至其貽
愆高堂貶官遠播百悔填膺無
以自贖勢必自投蛟龍腹中以
為化身處羗足自原也盧昇之

灌園以奉母佞佛以延母而志
俱不可伸有心人宜共惋痛若
李公起義駱公應之浩氣凌霄
尺檄殲此今

明興已祀侍御于學宮不知並
時之人却目之為叛累代皆狂

亦獨何哉盈川以從叔弟神讓
與李敬業有連神讓被誅盈川
亦用外鑄貞柯殘翠傲彼華苑
曰君子炳々如此不獎賞其忠
孝之大節而詆訶其褊急之小
疵顧不謬哉子安謂人子必銳

意醫部事曹元而通秘乞鄂州
而採藥其與弟詩云自余返初
服無情想高蓋報國豈無情從
親心乃大家門往復和易真摯
且祖述河汾多所發明大有琅
琅禮樂器者焉公文大率從引

滿擁被酣暢得來玄鶴爭蜚絳
螭百變即雕鏤者所不能爭其
工又字々俱有根蒂非湯言者
小序碎金輝動衫袖諸廟寺碑
以三珠之樹綵增七寶之莊嚴
廼乾元殿等頌何以不動同時

序四
之嘆運命所遭豈大力所得高
坐而揶揄哉余因叙子安集而
脩書四傑忠孝之大凡千年煙
靄至是經天明識君子必以余
為知言

蜚遯老人張爨識於麟角堂